

Herzen/zancke vnd Kriege/ bedeutet ihm daß seyn übel gewart werde/ vnd daß ihm solche Leuthe nachstellen werden.

Anderer Leuth hassen/ oder einen neid auff jemand tragen / oder auch von anderen gehasset werden / ist niemand gut. Vnd ist nit daran gelegen/ ob gleich derjenig/ welchen einer im Traum hasset/ seyn feind vnd eniggönner seye. Dann in gemeyn/ so bringet der neid vnd haß feindschaft. Von den Feinden aber darff niemand hülff oder rettung gewertig seyn. Nun bezörffen aber die Menschen immerdar einer des andern hülff vnd dienst: Siweil denn hiedurch eyner die Leuthe ihm abhuldig machet/ Kan auch der neid vñ haß/ welcher gestalt derselbig einem im Traum fürkommet/ Keynes weges für glücklich oder nutz geachtet werden.

Zerhawene vnd Zermetzete Leuthe sehen.

Das IX. Capitel.

S einem traumet/ wie er zerhawen vnd zermetzget werde/ vnd sterbe/ was solches bedeute/ ist genugsam in dem Capitel von dem Todt angezeygt.

Traumet aber einem / wie er solche sehe zerhawen vnd zermetzget also ligen/ ist nit ein böser traum / Dañ solches bedeutet/ daß alle ding außgericht vnd vollbracht seyen nach seinem willen: Dañ der Todt ist das end aller dingen.

Von Crocodillen vnd Kaken.

Das X. Capitel.

Träumet einem / daß er einen Crocodill sehe/ das bedeutet ein Räuber/ Todtschläger/ Mörder/ vnd bösen